

壺關縣志卷之七

人物志

上黨為天下脊壺林又為上黨奔水環山抱連統厚  
焉溯漢唐來世家名聞代不絕書自時厥後志經濟  
者悉功崇業廣樂邱園者克訓俗型方他若名流寄  
跡園學自鳴雖一材一藝亦足以見於世統書諸册  
丕彰

久道之化用徵攸好之同作人物志

名德

漢

壺關縣志

卷七

人物

一

令狐茂武帝時為三老征和元年巫蠱起二年七月衛  
太子兵敗亡不得上怒甚羣下憂懼不知所出壺關  
三老上書白太子寃待罪建章闕下書奏武帝感悟  
田千秋復訟之上遂族滅江充家作思子之宮為歸  
來望思之臺於湖

按令狐茂史失其姓第云壺關三老茂顏師古引荀  
悅漢記稱令狐茂不知何據及考漢書郡國志有令  
狐敬君隱城東山中去郡六十里卒葬其山即武帝  
時上書訟太子寃者也茂之姓令狐始悉

或藝文

晉卿字元輔世以儒素稱擢進士第調修武尉

吏部郎中中書舍人知吏部選事選人多訴索既而終日無愠顏久之進侍郎方時承平選常萬人李林甫以銓事委晉卿及宋遙天寶二年坐張爽事貶安康太守明年徙魏郡充河北採訪使居三年政化大行常入計謁歸壺關望縣門輒步吏諫止晉卿以公門當下况父母邦乎郡太守迎犒使所屬令行酒酒至必立飲白醕侍老有獻降西階拜而飲時美其恭改河東郡兼河東採訪使徙扶風郡封高平縣男遷工部尚書東都留守召爲憲部兼左丞天寶末楊國忠惡其有望奏東道賊衝非大臣不可鎮遇授陝郡

太守陝虢防禦使以老辭聽致仕車駕入蜀問道走金州肅宗召赴行在拜左相封韓國公食五百戶改侍中旣而罷爲太子太傅尋復拜侍中詔攝冢宰因讓曰稽宗祖故事無冢宰之文不聽後數日復詔攝冢宰固辭乃免乞問日入政事堂代宗優之聽入閣不趨爲御小延英召對宰相對小延英自晉卿始吐蕃入以病卧冢賊與至脇之噪不肯語賊不敢害上遣拜太保罷政事永泰初卒年八十一贈太師京兆少尹護喪論曰懿獻改謚文貞晉卿寬厚所至以惠化稱魏人爲營生祠立石頌美再秉政出入七年少

心雖畏不甚斤是非得失而練達事體百官簿最一  
省無遺議者北漢胡廣肅宗欲以李輔國爲常侍奏  
曰常侍近密非賢不可豈宜任此輩罷之陳希烈等  
論死晉卿曰若得張通儒安守忠孫孝哲等何以加  
罪不從俄而史思明再亂嘗自爲父碑文有鵲巢碑  
上賊八上黨焚蕩畧盡而苗氏松檟獨無傷大曆七  
年配享肅宗廟廷十子發丕堅繁垂句呂稷望咸  
苗氏諸賢韓昌黎稱苗賁皇之後遂家壺關唐書苗晉  
卿傳亦云壺關而世系表獨云長子有苗襲夔 襲  
未嘗仕宦有功業何以獨著豈傳係宋祁撰表係歐

壺關縣志

卷七

人物

三

陽公撰故互異耶抑別有所據耶苗如蘭表云王府  
諮議參軍而昌黎云仕至太子司議郎汝州司馬表  
有苗收而傳無其人通志載苗台符天祐三年進士  
而韓臨印云大中八年表有廷艾而韓作延未知孰  
是存以俟考

王伯淵字嘉甫其祖在宋時有仕至司徒者性謹恪廉  
靜有爲少充宿衛選歷官會福院判至治二年以母  
老棄職就養母歿後優游里社日與昆季及耆老相  
過從怡然自得識者羨之後至元三年十二月以疾  
終年七十有八儒士李景文爲之志

明

杜敷字致道世居壺之林青里舉元鄉試第一除高平  
教諭遷臺州學正歸家教授除陝西儒學提舉及省  
院辟皆不就敷通易書詩三經性深沈和謹自號拙  
菴老人先是敷有門生爲太祖侍從好爲容飾敷遺  
書戒之漸歛飭太祖怪而問之對曰臣師杜敷之訓  
也洪武十三年徵敷及杜佑等召至告之太廟以爲  
四輔官敷主夏官攝秋冬官兼太子賓客位公侯伯  
都督之次錫資稠渥嘗侍燕遊聯句賦詩并幸其私  
第曰看卿安否敷頓首謝隆以坐論之禮命協贊政

壺關縣志

卷七

人物

四

事均調四時又賜敕嘉勉敷薦宋訥任國子助教訥  
後卒爲名臣十五年致仕歸著有四輔集行世

申甫字維嶽髫年力學以文名旣冠負笈遊秦中漸親  
師友所造益深洪武庚戌開科以易魁於鄉官潞州  
學正築麗澤齋與諸生講習四輔杜敷爲之記後遷  
蕪湖知縣甫與敷同學友也敷應召入都甫賦坡太  
行路清時三詩送之反覆規切深得古人贈別之義

郭翀字子翔洪武庚戌舉鄉試第八明年會試賜榜眼  
及第官吏部考功主事翀博學洽春秋有名每與友  
人賈敏李素談論輒以第一人自許廷試傳臚果第

一高皇帝在燭影下見其貌頗寢因以吳伯宗易之  
而寘狎第二狎與伯宗等相唱和有句曰鳳凰城闕  
紫霄間歷數丕承王氣還敏與素亦同登辛亥進士  
張鐸字邦敷號西林鎮弟嘉靖乙酉舉人丙戌進士選  
翰林院庶吉士歷兵部郎中湖州府知州鯁直豪邁  
若不可繩以法度然生平大節無一不中矩矐其與  
人接也雖山翁野叟莫不盡其歡退而叩其臧否當  
其意者無幾人所著有西林集警心要言全唐律詩  
明詩選湖州府志壺關縣志若干卷行世詳見栗庵  
縣所撰志銘

壺關縣志

卷七

人物

五

國朝

楊四重字疑之能之裔孫夢龍之子十二齡應童子試  
登明宗正戊辰進士任河南宜陽縣知縣有聲調各  
陽令拜南京江西道御史巡視江漕多所獻替時逆  
閹圍汴張獻忠過天星盤據豫章三楚耽耽虎視公  
晝夜河干緝奸防變以備不虞甫得代而山右河北  
皆陷於賊微服歸備罹闖毒 國朝以原官徵用授  
江西道御史督理漕儲未幾解任卒所著有柏林微  
獻錄生平恬靜不事繁華與弟四易終身不析七箸  
牛俊字子傑本韓氏子養於周家遂冒牛姓幼好學家

貧無書從邑中藏書者悉借觀之其所著述皆於古  
人有悟入處補弟子員食餼俊性鯁直羞爲趨鶩之  
學故踴躍棘闈而所交皆砥行殖學士其自吟有云  
若遺片時興詩吟一世窮其襟懷境遇可知矣所著  
有且庵詩古文集十餘卷藏於家以明經終

馮文止紫團鄉人字子靜號東山乾隆己卯科解元任  
平陸教諭癸未成進士補河東運學教授人品學問  
所在推服移疾歸旋檄取知縣不就設教長邑潛心  
性命之學造次必循規矩非道義一介不苟取識者  
謂有宋五子氣象一時從遊者甚衆獎勸誘掖嘗取

壺關縣志

卷七

人物

六

古人見道分明處教以精思力行講時藝則以體認  
傳註爲主不喜浮掠之談故成就極多進士申南村  
孝廉李葦莊王宜亭昆季皆其門下士先是解釋歸  
里時

詔各省舉孝廉方正邑中咸以先生薦尋奉上駁飭令  
覆行驗看先生力辭探其意深以呈身自媒爲恥論  
者謂是舉也猥瑣者旣不足以應之而名實相符如  
先生又不肯稍爲曲徇信乎其品高而舉之者非阿  
好也所著詩與古文另載藝文其制藝二刻大中丞  
紀曉嵐已卯同考官王竹崖兩先生爲之序

周

馮亭壺關人見澤州志昔靳黈為韓上黨守秦伐韓韓請効上黨之地以靳不從韓使亭代黈亭亦不欲以郡入秦秦使白起伐之拔野王上黨歸韓之路絕亭與其民謀以十七邑歸趙趙封為華陽君使平原君受地亭垂涕不見曰吾不處三不義也為主守地不能死不義一矣入之秦不聽主令不義二矣賣主地而食之不義三矣

按今涉縣有馮亭故里碑記即東山集辨馮氏淵源

壺關縣志

卷七

人物

七

亦未云係壺關人澤志未知何據即府志謂墓在壺關亦無所徵姑存以俟考

唐

王貴之子曹州武城縣令儀鳳二年遷武連縣令柏林人唐王府君墓誌畧曰君諱牲字衆仁潞州壺關人也高辛氏之苗裔王鐘之後人文肇備王孫繼軒冕之暉禮樂權輿公子襲襟裾之美祖游父貴並以逸茂翹英金閨擢秀雄圖壯觀為善揚芳固得輝映當時緝熙往帝惟君聳凌雲之壯節霜氣橫空稟河嶽之英靈風情冠日才簪玉匣吐納金羸豹峇潛機

龍韜挺臂以上元三年三月二十日詔授晉州武城令儀鳳二年六月五日又遷始州武連縣令可謂屈牛刀而下割抑琴調以虛張蝗越謹彰雉馴風著春秋八十有二卒於私第墓西柏林村

苗延嗣壺關人襲夔子中書舍人太原少尹開元時張嘉貞爲相荐與呂太一員嘉靜崔訓皆位清要日與語政事當時語曰令君四俊苗呂崔員

見府志

苗晉卿由進士調修武尉累晉吏部郎中中書舍人知吏部選事充河北採訪使政化大行改河東採訪使遷工部尙書東部留守兼右丞肅宗朝拜左相封韓

壺關縣志

卷七

人物

八

國公詔攝冢宰晉卿寬厚所至以惠化稱魏人爲營生祠立石頌美永泰初卒年八十一贈太師謚懿獻改謚文貞事詳名宦

苗粲晉卿子仕至郎中終給事中德宗時陸贄欲進粲官帝不許曰晉卿往攝政有不臣之言粲等宜與外官贊奏王者爵人必於朝刑人必於市言與衆共之若陛下以晉卿姦邪粲等應坐則當公議其罪若知見誣宜擢粲等以示天下且晉卿起文儒致在台輔謙柔敦厚爲三朝所推安肯爲族滅計雖甚狂險庸不爲之况老臣乎帝然之而粲官終不遷粲行事雖



不特見而陸宜公以爲未竟其材則其人亦可想見矣

宋

苗時中字子居其先壺關人後徙宿州以蔭主寧陵簿古河久涸請開導溉爲利甚溥人稱苗公河調潞州司法叅軍郡守欲入一囚時中力爭守悟而聽之寧中以司農丞密荐能吏十人後皆進用人莫之知後以交人犯邊擢江西轉運副使河東轉運使累官至戶部侍郎卒

按苗時中據宋史列傳其先自壺關徙宿州則爲宿

壺關縣志

卷七

人物

九

州人矣通志直云壺關人則似時中始徙宿州固未可據舊志摘入僑寓亦無此體例姑闕疑以俟知者

元

王宣提領本州稅課事寬嚴得中時以爲能

王天祐天資穎悟有偉才由進士累官太常博士議大禮多見俞允皇慶間以潞州知州進階奉議大夫所著有虛舟集十哲碑記載藝文 府志通志俱作上黨

張時髦以進士授吉州判官恩本縣尹充河南江北等處行中書省儒學提舉官至秘書監丞資性深純文

繩武祖以吏業顯名及繩武儒吏兼通累官吏部郎中  
中以臨事明敏拜監察御史歷官江南浙江道廉訪副使同知上都留守司事

明

上諭奉茂才任陝西兩當縣典史綽有政聲

楊能字惟謙姿儀環秀有才識天順己卯舉人授東昌府同知在任廉明譽徹上下時有妖言連逮千餘人皆獄死能力辨得釋陞本府知府以幹濟稱能積德累功以善貽子孫其子若孫居官皆克世其家學族

金蘭縣志

卷七

人物

十

遂極盛

楊奇字秀夫能之子成化辛丑進士授戶部主事宏治改元上裕國安民疏極言足食足兵之法在端本澄源語侵責近時論邊之進陝西司即中時甘肅弗靖奇奉敕整督軍餉將行上疏言備邊七事上嘉納之尋陞嘉興知府改夔州有惠政民飲江水遠汲為難鑿井得美泉夔人以姓名之感慕為作生祠陞兩浙鹽運使別獎講利改兩淮權兩浙參政

楊森能之子字蔡夫以弟子員入監例補直隸鹽山簿鹽有被誣成死猶有潛餽金求恤森却金而釋其死

遷漢州衛知事子河洛同登鄉薦

鄭份字宗周安治甲子舉人任勸州知州朔俗強悍地  
屬下流屢被水患盜賊繁起份下車首捕其巨猾置  
於法盜皆屏息民賴以安以不合於上官艱歸遂不  
起

楊河字東之森之子嘉靖壬午舉人任膚施縣知縣尋  
調榮陽縣河惠民課學方正自持奸胥吏不得逞  
其術榮陽有惡少誑其尉曰某地有金若干某私識  
其處願發之尉密白之河戒以妄尉自白上官發丁  
掘金無所得於是素易河者皆服其見明守潔云

壺關縣志

卷七

人物

士

楊洛森次子河弟嘉靖壬午舉人銓山東單縣知縣廉  
平不撓時遊宦有周恩單文彪者貧而物故洛爲殯  
殮且贖其家縣濱河條備河策於上官單人稱便改  
官涇源父老送者至泣下至涇教民禮讓興水利肅  
虎患士民愛之有涇川八政之咏以疾卒於官邑人  
哭之如私親然

張鐸由翰林庶吉士歷兵部郎中湖州府知府人稱其  
鯁直豪邁行誼詳名宦

楊瑄正德年貢任懷柔故城二縣訓導遷邯鄲教諭清  
操自勵選國子監典簿清勤供職節省浮費仕至河

間府通判

牛應麟崇賢一里人牛倬父萬應開官濟寧間官陞蓬萊縣典史致仕居鄉惠于鄉里里人念其德

郭恬字汝靜份子嘉靖丁酉舉人生而穎異十三歲補弟子員銓兗州府推官多所平反自書廳壁曰不為利屈而為義出其自勵如此時有曲阜聖裔為旁宗所誣勘者率摸稜恬廉得其情為直之以剛疾惡為人所忌遂移疾歸

徐增第新興里人萬曆年選貢任內邱令遷臨洮府通判所至有惠政而廉正不撓府志作平順人

壺關縣志

卷七 人物

十三

楊夢龍字文田能元孫萬曆丙午舉人先任文安令安邑近白溝河為九江下流堤善潰龍躬先畚鍤經畫盡瘁其堤遂固導為貴倖所忌罷之父老板輿塞路至不能行後復起為平山令聽訟平允以子四重貴晉封江西道御史

馬進德新興二里人考授陝西安塞大使選金波巡檢所至以稱職聞

馮調鸞進德四子崇正年貢初任石城令明於決獄愛民如子時流氛橫熾鸞守禦有方遷懷慶府通判去之日老幼追攀不忍別石民為立廣愛祠思愛祠府志

傳平  
順人

國朝

楊四重由進士任河南宜陽知縣有聲調洛陽令拜南  
京江西道御史巡視江漕多所獻替

國朝初以原官徵用授江西道御史督理漕儲未幾解任  
卒行誼詳名宦

楊四易字會一四重弟明崇正年歲貢順治間授陝西  
固城令時兵戈初定民多轉徙易開誠撫字流亡歸  
集設法灌溉廢畦皆成沃壤尋遷松江府同知以疾  
歸

靈關縣志

卷七

人物

三

姜遇周字文生康熙甲子舉人考授內閣中書改補浙  
江龍泉令持已以嚴馭吏以法為政不擾而事集民  
皆以為便甲午分校浙關所取皆積學士病卒於官  
檢其橐無長物

即克謙歲貢應宣子字六皆號地山天性高曠為文奇  
雄渾浩非他人所能學步由乾隆乙酉拔貢選授大  
同教諭庚寅舉於鄉登辛卯進士授江西德安縣知  
縣有才力不為因循苟且之治邑舊有屯田數百頃  
為風沙埋沒民苦課累歷任訢之不能去公申請豁  
免軍民感之立祠以祀後以卓異陞直隸安州知州

隴年水災驟發平地深二三丈民屋漂蕩呼號遍野  
公察賞格救援復廣覓舟艫以渡多方撫慰給以口  
糧嗣因災奉 命賑濟躬親巡視不濫不遺一時全  
活者甚衆又懋署東路北路廳及大名廣平各府同  
知所至以幹濟稱署昌平州卒於官所著有地山詩  
稿板藏家塾

王遐齡南關人幼聰穎善爲文工書法乾隆癸卯舉於  
鄉挑選四川知縣懋署丹稜青神等縣有政聲嘉慶  
己未攝潼川中邑篆甫數月教養兼舉士民戴德越  
明年教匪滋事中邑罹賊鋒尤邇士民相率赴省懇

靈關縣志

卷七

人物

古

請假我王明府爲保障計因奉檄星馳就道民望見  
車蓋交相慶曰明府至吾儕無慮矣公下車集同官  
紳士商守禦策謂請兵則滋擾可虞名募亦烏合難  
恃但使吾民協力同心民卽兵也夫何患衆踴躍聽  
命乃與修器械浚城隍令遠者結寨自衛守望相助  
近者分爲十二團置首領朝夕訓練其險要處暗藏  
精壯以爲聲援部署甫畢賊已擁一二萬衆由定遠  
渡嘉陵江蹂躪射洪等縣長驅中邑盤踞數日百姓  
扶老携幼入城避難公內撫外捍倡率堅守不解衣  
帶者數晝夜擒奸細三犯富立卽正法民因安堵繼

大兵追及綿州痛勦之百姓稍稍返故里而被脅之  
民環集呼救者尙不可勝數公詢其里居設法護送  
精壯勇搜山谷以清除匪先是幕友等聞賊將至揮  
淚問何以自處公曰君等去留可自爲計吾惟有一  
死以報君親耳旬日鬚髮半白而公不知也嗣上憲  
嘉守禦功奏補中邑邑爲保達兩路衝途軍務所需  
絡繹不絕公善爲調停擇富饒而精明者立局以主  
之不奢不儉未嘗上負帑項下耗津貼時民生方  
蘇房屋大半燒毀公按部撫綏緩征薄斂又謂兵戎  
旣息文教當興建有英書院以養人材師長脩金廩

遼寧縣志

卷七

人物

五

儀悉捐廉爲之繼復延地方紳耆勸捐多貲爲久遠  
計不一二年間而師生之費裕如公賦性忠誠凡事  
不欲苟且嘗書對聯于堂曰推保赤以保民豈曰小  
補本實心爲實政不在多言其生平概可知矣茲在  
六年卓異引見民思甘棠而不忍忘邑宦大理寺正  
卿孟邵率合邑紳耆商民繪公像城圖象又倡作保  
城詩紀以誌公之本末詩載邑乘甫月餘而公果奉  
上委署打箭爐同知去矣

劉青蓮秦庄人少與其弟青蘭以文齊名乾隆丙午甲  
順天鄉試癸丑應挑典分發直隸知縣上游咸器重

之時值河西水災流行率徵查察兼理賑事得稟有  
方居民賴以安堵當道嘉其能委署武清柏鄉兩縣  
事授滿城知縣遷寧津調清苑嘉慶庚午  
上幸五臺襄辦大差稱

旨陞署磁州知州授順天西路廳直隸同知十八年教  
匪不靖公設法勦捕境內肅然旋丁內艱歸里課子  
姪以爲樂以春秋繁多難讀選其典要經二寒暑而  
成名曰春秋讀本蓋文章政事兩兼之矣服闋仍赴  
直隸歷署通州薊州蔚州定州知州逾年補順天東  
路廳直隸同知署永平府知府卒於官

壺關縣志

卷七

人物

六

忠烈

元

任志元木華黎畧地至潞州志首迎降授以虎符充元  
帥救韓山寨數與金兵戰有功金嘗得其長子如山  
以招之曰降則爾子生不則爾子死志曰我爲帥豈  
愛一子親射其子殪之木華黎召議事道過武安其  
縣已反志死之木華黎悼惜請于朝以子襲元帥

府志

作潞州人

任存志子襲父職爲潞州元帥金將武仙攻潞存戰死  
詔給其妻孥家屬廩賜居第子立未能官先官其侄



成爲本州長官及立長更之佩金符懸澤州陳州長官卒

明

楊可棟任永平衛經歷寇犯永平被執不屈而死其族子四重楊氏譜論曰經歷七品散官事權不屬顧以螻蟻與強敵爭旦夕之命冥冥有生氣焉乃人卒以其官微而不一表章之贈師之可勝惜哉

國朝

崔奇崇正年貢順治間任絳州教諭姜逆之變城破被執不屈死之

壺關縣志

卷七

忠烈

七

按府志云壺關志載琦爲壺關人絳縣教諭死節府舊志則載琦爲絳州學政並不言死節而通志乃云絳州舉人任壺關教諭姜逆之亂死節及考通志則並無教諭崔琦通志亦別無所見未敢以忠孝大節輒行刪去特並存其說以俟考舊志

鄉飲

賓

- 郭榮 賀儀 杜叙 閔懷 牛儀
- 楊四易 郭亨徵 李向榮 張新印 平翀
- 閻調 王公禮 郝奇美 關永鞏 賈撫民

吳祺	張璉	平諧	閻誘	王文燦
韓趙	平良	梁琛	李京	秦子述
平遠章	平翥	陳斗樞	閻銑	張瑞璘
梁宗灝	王瑞	平景超	崔騰超	吳彭勝
劉廷佐	宋屏臣	秦哲士	牛俊	許天爵
杜樞	郎應宣	平大超	郭又蓮	王華浙
武師慶	郭恒	閻體仁	王運	王培元
劉錚	劉青藜	張鳴鳳	王毓琳	秦秀舉
張效渠	王永齡	郭君都	宋守約	程翠峯
程超峯	申上達	張苾	王三鳳	王偉棟
平發	平儀鳳	閻瑞麟	王華齡	王炳

靈關縣志

卷七

鄉飲

六

介

平萬心	趙文郁	牛倬	王作霖	姬煥元
牛軾	馬光裕	韓蘇	陳修吉	馬驛
馬駮	平瀾	段超凡	張璪	牛象顯
姜逢周	張其蟄	平若耿	梁棟材	王夢熊
趙永麟	王景鏞	牛元弼	岳降英	牛天魁
韓師道	郭宜昆	馬驪	張昌裔	郎應宿
韓廷鑑	劉正璜	閻必擢	王玉瑛	平宏基
陳理	張頌彥	賈伏	閻愷	宋倫

平如畢 吳泥勝 陳瑛 平景晏 陳偉

張禮 姬永齡 平如宜 陳益達 馬鳳翰

王天宣 陳瑣 吳城勝 張楚 張鵬起

郭興堂 閻文鑑 劉青萬 閻繼武 王青選

路行誠 崔需 武夢吉 郭環 任麟

蘇占鰲 杜據德 陳萬泰 栗信芳 王鏞臣

李健 劉青藩 李含芳 宋尚德 閻檀

王廷弼 王心一 王魁一 王化南 劉炳

劉煥 劉正璵 劉斌 吳承基 閻秉哲

張霽 宗义 楊廷樞 張繼載 吳仕魁

張興 牛宿 張希哲 陳潛 趙偉勳

趙廷模 楊文淵 楊文濤 秦有孚 李悅

李震元 李作棟 郭維城 王致遠 王名遠

陳陞 崔顯揚 韓克讓 杜德卿 吳之瑛

秦萬春 崔作棟 崔諧 陳昌義 王德純

郭步汾 秦萬年 郭邦雄 申玫 張世祥

陳錦 王錫貴 牛黃中 馬鐸 趙廷俊

陳昌期 陳煥 宋毓樟 常清 杜宋德

李宗仰 趙銑 馬九德 王子齡 秦榮資

吳兆奎 秦德昌 陳鎮 王桂 王壽

皇甫德 崔元起 張瑞麟

者

段汝桂 牛養浩 李含華 牛守義 韓仲懃

王一愛 秦印正 平養聰 牛光奎 申保安

吳學純 閻儒學 陳陟 韓鳳林 牛起松

申洪璞 管見芳 郭成資 李國才 王克齊

李拱斗 弓振邦 陳燦 秦臻 程欽

韓汝佐 賈允鶴 鄭文燦 吳耀 平廷智

王九臯 吳化貞 馬麟 杜忠賢 張連鳳

張冀 程加亮 牛新凝 郭加展 王欽

壺關縣志

卷七

鄉飲

三

王光先 路燦 秦玠 路遇師 牛麟玉

李朝發 張會元 李增 秦達士 趙君瑞

任起祥 王書升 張宏基 王佐 蓋瑞璘

牛克儉 秦學珍 張耀 宋強達 秦傑士

王兆祥 牛新敬 關進朝 宋儀 蓋瑞珩

牛天璽 蘇文才 張元善 關進海 王錫璽

武帝相 武永廷 李子吉 吳天德 郭建堂

楊法泉 關聰 閻金輔 楊文 牛兆麟

李瑄 韓展 王萬國 雷起吉 雷起和

吳加盛 馮守已 武增重 崔元起 張

李生玉 李 坤 郭克誠 尚據德 閻世建

趙慎行 常國欽 王錫祿 王錫恩 李修已

閻子峯 任宗欒 呂世禮 李 楷 原發核

徐振京 連輔廷 宋 智 閻繼昌 平 瑾

郭萬里 陳友赤 郭振魁 趙慎躬 郭 琳

杜建仁 董天極 陳 澤 吳 秀 閻興業

李 民 閻增業 張進德 魏三奇 劉世祥

吳高魁 秦增會 郭魁秀 杜文遠 楊 祥

王子和 璩承又 侯世炳 杜忠義 張習堯

王 學 平 林 崔繩訓 王維珍 董天祥

壺關縣志

卷七

釋飲

三

牛可重 王 玉 蘇 春 杜 魁 高步漢

楊立盛 張守基 王永安 王 潤 王永增

蓋景智 李 明 李永錫 李服衆 郭承堂

馮 适 閻廷輔 原文炳 趙克禮 鮑相承

平士驥 平興台 蓋永梅 郭漢林 張桂垣

郭邦丕 李安慶 靳天祥 李積善 閻經業

牛積善 宋 梓 張天保 張思澤 張廣錫

李 廉 王 重 吳 鏡 李興邦 呂 魁

馬 燦 任重春 楊九信 王學仁 武守德

趙 玠 關 石 馬 敦 任重順 崔 河

張應

張致中

秦發善 楊 珵 王 沂 王鳳章 關 聖

馬 明 賈光潤 秦久長 秦久成 吳永龍

馬會緒 李子孝 苗繼忠 馮有倉 馮業儒

孝義

元

楊玘壺關人捐千緡建東關壁村石橋邑人程秉直為

之記見府志補入

明

壺關縣志

卷七 鄉飲

三

陳德海事發母閻氏撫幼弟德川以孝友稱母邁疾兒

弟二人寢食俱廢巡按表其閻焉

牛繼先節婦路氏子生七日父歿比長事母色養備至

有司旌曰母貞子孝後以明經任館陶訓導

郭忻易名端孝字汝學嘉靖辛卯舉人父修例授三品

武職被誣成獄憤曰吾父生兒不如緹縈哉及領鄉

薦叩首謝天曰是忻理父寬之日也極力營救十年

捐家貲大半父得出年老目盲而忻亦面黧髮脫矣

會當計偕中寒不果行而父歿力疾悲號水漿不入

口感重疾卒

張寶俱儀賓慕斷金之遺與潞州王龍等立石  
吉會相勉爲善

王三聘安興里人父病百方醫之罔效三聘憂甚一日  
夢中聞人語曰爾父病必獲虎肉食之始愈三聘躍  
起曰虎肉可愈病乎已乃泣曰吾安得虎肉而進之  
復憬然悟曰虎肉尙克愈病矧股肉乎遂割股肉以  
進父果立愈萬曆四十五年府道躬詣門給匾以旌  
府志作平順人

孫田新興二里人孫滔義子滔疾篤恩肉食田遂割股  
奉親食之疾愈題請旌表 府志作平順人

壺關縣志 卷七 孝義

三

牛應麒崇賢一里人通判牛倬之父山東濟寧間官陞  
蓬萊典史致仕歸惠於鄉里里人食其德以壽終

路俊郭麟王代昇楊慶王英牛聚良王仕亨閻節路環  
胥壺關人正統間俱以輸賑立石旌表

馬龕賦性樸誠設粥以活飢餒施棺以揜暴露萬曆庚  
戌大飢輸粟三百石助賑邑令重之延爲耆賓

李思恭建合峪橋

郭誠麟之子宏治年歲荒出粟濟民官爲立石題義民

碑 詳見藝文

廣臣修玉皇廟前大路

李璉邑紳也成化間以捐舉五下不第表

闕子昇修進德橋

郭榮麟之孫建太平橋並修渠頭溝

秦守已新興里人考授元州驛丞遷華昌府倉大使居

鄉值崇正庚辰歲祲出粟爲粥全活甚衆

秦之璧守已長子幼補弟子員有文名里巷貧乏者必

傾囊濟之樂山水以終其天年

秦之璽守已次子崇正三年納吏值寇亂與邑令竭力

守城

張鶴鳴新興里人崇正十三年大饑民竊發擾亂撫院

壺關縣志

卷七

孝義

三

給劄委署千總任防守捕緝之責鶴晝則巡禦四境

夜則嚴守城池賊氛潛消民得安堵

關書崇正末年間歲祲出粟賑饑

國朝

楊振豪四易子順治年貢雅飭自好捐資獨修學宮士

人皆高其義

吳名都字輔三甫六歲生母卒卽知號痛繼母平氏撫

之都父歿哀號慘切里人爲之罷歡笑數日少長晝

晝夜讀補邑弟子員妻亡不再娶慮分其力則母之

日食不給後繼母以壽終喪葬畢卽亦卒至今里人



稱之

雷震虔康熙四十年間人家赤貧傭工以奉寡母左右就養者三十餘年雍正十一年其母死虔殮母畢號泣三日而卒

平萬心順治元年 恩貢孝友恭慎退然若不勝衣研究經籍博覽百氏從遊之士不憚遠笈選訓導因親老未赴

馬萬里順治間拔貢居家極敦孝行通達時務仕至河南內鄉縣知縣

王汝爲康熙癸卯歲飢出粟濟人村少流亡子金紫金

武關縣志

卷七 孝義

三

綬金綬俱於乾隆己卯大旱出粟濟合村老幼計口授糧鄉人賴以存活冬寒又施棉衣郡守郡丞獎之曰義篤解衣惠流切體

閻呈傑雍正元年捐貲賑飢

陳伏和節婦趙氏子二歲而孤事母孝謹家不富而耻子自私雍正初年大飢傾困倒廩以救鄉黨賴以全活者數十家

王金湯天池村人因父失足落塹遂自投塹下救父俱死其妻苗氏亦世家女因翁與夫俱死哀痛不欲生村人止之乃乘夜投塹以死

王珍下內村人四歲喪母哀感如成人十三歲父過橋失足墮水學珍號呼投水搶救漂流數里父子俱在堤上人咸以爲孝感所致繼母常鞭撻之惟自引咎無怨色母死負土成墓其父與族人世業厚屬善視之世業死負湯陰王姓百金學珍代償王氏父子俱歿其孫不肯受乃會里老言其故而予之壺邑新修書院傾千金以資膏火修橋梁之圯壞者數處費數千金歲荒合其子景行景鳳景參竭力賑給每出過黨里有宜相周者輒解驂予之徒步以歸考學珍幼孤貧中年以行賈稍裕今所爲若此非其天資有

壺關縣志

卷七 孝義

美

過人者歟鄉人旣敬愛之舉爲鄉飲介賓乾隆三十二年復以其孝行請于有司詳准 題旌

王錫琳字美玉貢太學節孝任氏子康熙年捐輸義倉谷數百石有司奏聞 恩賜八品頂戴

王鳳舞字鳴岡節孝任氏之曾孫家饒於財素行忠悃與人重然諾以周急恤貧爲己任少業儒未就由布政司理問議叙通判捐同知嘉慶年歲歉道殣相望協有力者廣爲賑濟鄉村賴以全活者數百人鄉人以好行其德匾其門

王運邑庠生捐衛千總兩舉鄉飲大賓嘉慶元年

張千度安 賜詩軸寄其黃緞外裱黃包等物川楚軍  
需輸餉并捐輸 文廟地十三畝零

王鳳翽字健翽邑優廩生弱冠以文名性至孝父歿二  
年不見齒不近內室事繼母未嘗有忤色母偶有不  
悅歡顏渝色以奉之必得歡心而後已屢薦不第遂  
棄功名叩墓薛文清公之爲人手錄功過格以自勵  
生平謹身寡過交人無貧富見一長者輒佩服不忘  
受業於中州李衛多先生每以富而好禮許之年未  
四十卒聞者腕惜謂壺邑少一人望焉

馮世全少與其父登鋸齒父墜崖死世全號泣隨下崖  
走關縣志

卷七

孝義

三

高萬仞卒無恙晚年舉子五壽八十五歲而卒人以  
爲孝感所致

李榮元崇陽鄉人號面山初補弟子員端方自持嘗著  
十警以自勵事繼母以孝著方行善事村中有 風  
王廟里人因傾貲謀修葺之費用不繼出家貲以贖  
事前後經營十七年工將竣感疾而逝其長子東鳴  
次子邑庠東璧繼成其志遂成偉觀焉

楊啟關東關壁村人生有至性年少失恃事繼母王氏  
得其懼心以家貧未能多讀書爲戚某理家務日久  
嘉其誠慎因令專督營運事宜增畀千金得以漸置

田產然積累由於艱苦家雖小康而節衣儉食絲毫  
不肯妄費嘉慶二十三年其母年八十歲啟關廼出  
橐中金演劇開筵製錦稱觴者接踵而至五日不絕  
與斯會者見堂上人鶴髮酖顏終日怡怡咸以啟關  
年逾六袞能爲孺子慕羨其無忝所生而或不盡知  
爲繼母也無何戚某卽世啟關念代司管鑰四十餘  
年寸絲粒粟出入無所假藉庶可共信一旦時移勢  
變恐牽連掣肘致有末路濡染之謗力卽辭去在家  
五年而卒卒之時年六十九遠近呼曰楊孝子子七  
存者三人四萬春補邑諸生

王廷杰由議叙縣丞捐游擊嘉慶年間歲祲賑濟福字  
約五村公懸積善餘慶匾額又於嘉慶道光年間兩  
次捐輸 文廟地十五畝銀一百兩錢一百緡詳碑  
記

閩中鶴邑庠生晉庄村人事親孝敬無違父卒母病不  
能起中鶴朝夕承歡色養兼盡每於外間一事見一  
景必入告以博歡笑如是者二十年母卒竭力營葬  
嘗舉君子不以天下儉其親之言以自勵塋畢感痛  
泣血不數日亦卒里人咸爲之垂涕

魏

鍾繇少時隨劉勝往抱嶺山學書三年比還與曹操  
郭淳草誕孫子荆關枇杷等議用筆法見蔡邕筆法  
於韋誕座上苦求不與及誕死陰令人盜開其墓以  
得之故知多力豐筋者聖無力無筋者病一一從其  
消息而用之由是更妙繇曰用筆者天也流美者地  
也非凡庸所知臨終探囊以授子會曰吾精思學書  
學其用筆若與人居畫地廣數步臥畫被穿過表如  
廁至於忘歸每見萬數皆畫象之 用筆說

祝公道河南人建安中郭援破絳邑捕得邑長賈達四

壺關縣志

卷七

流寓

无

於壺關閉著土窖中以車輪蓋上使人固守方將殺  
之達從窖中謂守者曰此間無健兒耶而當使義士  
死此中平時公道游壺關與達非故人而適聞其言  
憐其守正危隄乃夜盜往引出折械遣去不語名姓  
援破達乃知前出已者爲公道後公道坐他事達救  
之力不能解爲之改服焉

明

張從恕東光人父仲素仕元爲長沙通判從恕亦爲元  
西總管元亡東歸寓居壺關遂爲壺關人子謙舉茂  
才爲兩當典史

大忠福建莆田縣人康熙間爲潯潞泰將後遷九江  
副將署平陽總兵遂家壺關子端盛太學生善醫孫  
開甲遂爲壺關醫學因世其業焉

張連其先澄水人始祖官於潞遂卜居壺關中康熙壬  
午科鄉試

王金玉爲壺關外委後家居邑之東長井村

仙釋

漢

趙瞿病癩垂死有以藥囊授之者服百日果愈後復遇

壺關縣志

卷七

仙釋

三

視曰此松脂耳瞿鍊服不輟年七十見彩女長二寸  
莖口鼻間一年女長如人在其側嘗聞琴瑟聲壽二  
百許頰如童後入抱犢山不知所終

府志作上黨人

晉

紫團真人隱居紫團山修真冲舉其遺詩曰閉定天厨  
只一呼天罡不動運陰符流精鬱勃歸金鼎鍊出神  
丹滿玉壺龍眉子引以爲金丹口訣

北周

華上人修真竇岩寺端居石室猛虎自伏後坐化遺骨  
結香其徒建塔崇奉寺在太行巔俗名金燈寺

隋

安真禪師往多寶寺隋開皇間賜號紫衣禪師唐宋

加封號

唐

安公隱居壺關山中素為士人頂禮及卒山出石棺  
人收葬之即以安公名其山

樂氏二仙女屯留人其先世陵川商微子之後父山實  
母楊氏感仙光而娠誕有奇德繼母呂氏遇二女甚  
酷單衣跣足冬使採茹二女性至孝泣血浸土化為  
苦苣其葉有赤斑若血痕然得一筐以歸奉母母益

壺關縣志

卷七

仙釋

三

怒移家於壺關紫團山又令拾麥於外無所得畏母  
捶楚仰天號訴倏黃龍下降少者先升須臾黃龍又  
降長亦升霄易金縷絳衣鳳冠繡履仙樂響空天香  
馥路土人立廟祀之宋崇寧間顯靈邊戍賜諡冲惠  
冲叔真人道光十年於河南榮陽縣不彰靈佑水旱  
疾病禱者輒應建廟立祀請崇

封典移文壺關脩查原委以聞

元

道榮紫團僧了悟能振宗風其弟子止宗興教禪師幼  
名張德精內典聽講者雲集晚悟神理後同大力士

渡海莫知所終

慧冲有道行延祐四年居清涼寺

于晏北黃村闢天慶之子勿即從清涼寺慧冲爲徒入定通禪後於鳳凰山建立道場即今金山寺是也寺固無水師嘿祝巽巖甘泉即湧出又能分身赴會同日俱至衣履不殊以此名聞京師賜袈裟紫緋玉環爲宗門師表

明

秦某失其名新興二里人伊兒因不務家業逐之騎牛至壺關神頭嶺乞丐有夜窺者牛乃虎也後坐化於

壺關縣志

卷七

仙釋

三

村西佛堂至今角殿尚有臥象

寂慧清涼寺僧幼年雲遊靈隱名山勝境無處不到崇正五年歸錫見寺宇傾頽卽立死關募緣重修明藩保定王嘉其苦志碎關放出施助百金一新佛象梵宮慧隨居清涼山巔二十年不出戶外惟以施藥濟人爲事每言人禍福輒應一日晨起語徒衆曰予止四日在人間至期宜環立念佛不可悲涕及至第四日早沐浴畢盤膝端坐鼻珠垂胸無疾而逝甲申歲有訪謁者題詩云古刹商飈風颯颯夜涼疎月影微微尋幽避寂逢支遁欲脫樊籠借指歸



立禪俗姓張名加修遷善二里南掌村人幼即潛心內  
典年三十餘於杜公嶺為僧後至五臺山石穴中闢  
修有虎守門僧人共異之迎至寺中供養一日忽自  
起擊鐘聚眾詢之乃云汝輩速往山中視之眾僧趨  
往見一小僧因取薪為虎所傷其神照若此後遂不  
食不語面壁立修三年康熙辛巳

駕幸五臺詢其禪悟以筆對因封為立禪祖師謝  
恩後即仆地肉皆消落惟骨存焉僧眾建塔瘞之塔不  
今存

壺關縣志

卷七

方技

三

方技

元

秦邦紀邑人號雲岑子善丹青至元間以善畫賜官待  
詔嘗畫五龍廟牧鶴圖見四輔杜公教序

王大利邑人精于陰陽術數為壺關陰陽教授著三元  
正經三元節要行世子履道宏道與父齊名

按舊志及府志皆云明代今考營青亭碑記則云大  
元國天曆三年歲次庚午春三月壬子朔龍溪東塾  
僅菴陰陽教授王大利記則其為元人而非明人可  
知

魏文郡邑人本農夫元季時偶較耕望神廟見梁端有  
書取視則風雲變色持歸作地室習之遂盡通甲覆  
躬之術能隱形變化嘗有事被逮剪紙爲兔鋤禾者  
競逐得脫川有桑掛其冠于坂殆盡迄今其地無桑  
人以左慈方之或曰文昌後亦尸解去